

meipso sum expertus, quum illic aliquantisper morarer. Præterea eos, quos nos damnatos judicamus esse hæreticos, ut sunt *Nestoriani*, *Jacobitæ*, *Maronitæ*, *Georgiani*, & similes, ego plerumque inveni bonos & simplices esse homines, sincerèque erga Deum & homines viventes: sunt magnæ abstinentiæ, & in quadragesima nec pisces, nec velum comedunt. Attenti audiunt verbum Dei: id quod ego vidi in vespera Ramispalmarum, quantis catervis ad concionem confluxerint. Habent præterea suos *Archiepiscopos*, *Episcopos*, *Abbat*es, & alios prælatos, præter *Nestorianos*, qui loco *Papæ* habent prælatum, quem *Jacelichum* vocant, cui magna pars Orientis paret. *Armeni* verò & *Georgiani* habent prælatos, quos *Catholicos* vocant, qui sub se habent *Archiepiscopos*, *Episcopos*, & alios prælatos, qui optima conversatione plebi præeuntes, verbo pariter & exemplo illos docent: & quamvis munitissima inhabitent castra, atque magnis polleant divitiis, induuntur tamen vilibus & sordidis vestibus, amplissimas habentibus manicas: exterior enim vestis est pellicea arietina, grossa & rubea, & sub ea deferunt tunicam griseam atque detritam. Suprema verò vestis est scapulare nigrum, vile & asperum, quasi cilicium. Interfui etiam semel in die annuntiationis sacris eorum, & adverti eos eisdem ferè uti cærimonias & precationibus quibus nos in Missa, nisi quod suo, & non Romano, utuntur idiomate. Nota quoque, quod *Catholicus* ipse, & omnes alii prælati sunt *Monachi*, nec quisquam, nisi *Monachi*, ad hæc ecclesiastica admittuntur officia. Clerici verò *seculares* & *sacerdotes* ferè nullam habent auctoritatem, nec aliud agunt, nisi quod divina celebrant officia. Ad omnes horas signum faciunt cum tabula lignea, non enim campanas habent: & tunc nocte surgunt ad matutinas preces, excitantque se mutuo, ut omnes conveniant: nec iterum dormitum eunt post illas absolutas preculas, sed sedent in ecclesia docentes populum usque ad auroram. Sacerdotes omnes sunt *uxorati*: nec aliquis permittitur exsequi sacerdotis officium, nisi *legitimam* habeat uxorem. Sabbatho duntaxat & die Dominico *Missas* celebrant: reliquis diebus per hebdomadam *amplexibus* vacant. Mortua verò uxore sacerdos *continebit*, nec aliam poterit ducere uxorem. Et si fornicatus aut adulteratus fuerit, sine spe ulla *amittit* officium & ecclesiam. Quòd si uxor ejus adulterium perpetraverit, sacerdos maritus ejus aut *continebit*, aut officium & ecclesiam *perdet*. Uxor verò adulterans *nasum perdet*: & vir, qui cum ea concubuerit *castrabitur*, etiamsi legitimam habuerit uxorem. Id ego semel fieri oculis meis vidi. Mortuo verò sacerdote, uxor ejus relicta *continebit*: & si aliud præsumpserit inire matrimonium, *comburetur*: sin meretricari libuerit, *nil mali patietur*, & id sæpè apud illos evenire solet. Et hæc mihi videtur potissima causa esse, quod *tot* in illis terris inveniantur *meretrices*: nam uxores talium, continere nolentes, *meretrices* efficiuntur. *Fures*, committentes furta non admodum nociva, & alii malefactores, qui mortem non commeruerunt, *castrantur*, ne filios generent paternorum morum imitatores. Id scio, quum essem apud Regem Armeniæ, habuit Regina plures quàm sexaginta eunuchos. Rex cum omnibus principibus & nobilibus suis *libenter* audit verbum Dei: quibus etiam singulis diebus hora tertia illud à monachis, quos *Vetrapethe* vocant, devotè ex sacris libris proponitur, utentibus expositione Joannis Chrysostomi, Gregorii Nazianzeni, atque Cyrilli, quem ipsi Kyrillum proferunt. Devoti & morigerati sunt in ecclesia, nec facilè ullum ibi videas dissolutum aut indisciplinatum. Quum Episcopus sacrum facit, habet astantes suos ministros, puta *Diaconum*, *Subdiaconum* & *Acolythum*, & cum magna gravitate cærimonias solitas celebrat.

C A P. XIII.

Descriptio Ægypti.

LUstrata itaque Armenia secessi in *Cappadociam*, & hinc perrexi ad *Seleuciam*, à qua trajeci in *Cyprum*, à Cypro navigio veni *Tyrum*, & rursum à *Ty-*
Pharma. ro solvens per *littus Palestina* descendi usque ad *ostia Nili*. Ibi vidi *Pharmam*, civi-
tatem